



Enw: Arthur Charles Humphreys-owen
Dyddiad geni: 1836
Dyddiad marw: 1905
Rhiant: Erskine Humphreys
Rhyw: Gwryw
Galwedigaeth: Aelod seneddol
Maes gweithgaredd: Gwleidyddiaeth a Mudiadau Gwleidyddol
Awdur: Robert Thomas Jenkins

Ganwyd yn Garthmyl (Maldwyn), 9 Tachwedd 1836, yn fab i Erskine Humphreys, bargyfreithiwr; o du ei fam, yr oedd yn nai i [A. J. Johns](#). Yn 1876, etifeddodd diroedd [Oweniaid](#) Glansevern (Cefnhafodau gynt - [gweler dan Owen](#) o Gefnhafodau), a chymerodd yr enw 'Humphreys-Owen.' Aeth i ysgol Harrow ac i Goleg y Drindod yng Nghaergrawnt (lle y graddiodd yn 1860); derbyniwyd ef yn fargyfreithiwr yn 1863. Ymdaflodd i fywyd cyhoeddus Maldwyn (a Chymru), yn enwedig i fuddiannau addysg ganolraddol ac uwchraddol. Bu'n aelod seneddol dros y sir o 1894 hyd 1905, yn gadeirydd y Bwrdd Canol o 1896 hyd 1905, yn flaenllaw gyda Choleg y Brifysgol yn Aberystwyth, ac yn hyrwyddwr selog i Brifysgol Cymru. Yn wleidyddol, yr oedd yn Rhyddfrydwr cadarn. Bu farw 9 Rhagfyr 1905.

Awdur

Yr Athro Emeritus Robert Thomas Jenkins, (1881 - 1969)

Ffynonellau

F. E. Hamer, yn Vyrnwy Morgan (gol.), *Welsh Political and Educational Leaders in the Victorian Era* (1908)

Venn, *Alumni Cantabrigienses*

Darllen Pellach

Erthygl Wicipedia: [Arthur Humphreys-Owen](#)

Delweddau

Stanislas O. Walery, [Arthur Charles Humphreys Owen](#)

LIGC: [Mr. A. C. Humphreys-Owen, A.S](#)

Dolenni Ychwanegol

Wikidata: [Q4799154](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

